

夢

林

玄

解

夢林玄解卷之二十三

夢占

名數部

名姓 雜驗

奇名

異姓

定數

報應

〇〇〇名姓

天神命名

占

上帝所使也。有善有惡。以其字義審之。善者得福。惡者罹殃。咎或有明示者。或有隱示者。反覆詳推。自能解也。大約夢此。吉多凶少。人當因夢自省。

神呼姓名呵責

占

平日之譴。夙願有所未酬也。觀其呵責者何言。怒罵主疾病。叱喝主災厄。亦有叱之使有所避。則必免難。反有益也。如神止呼其名。當有喜事至。

名姓

名姓

周武王與叔虞母會時夢天謂武王曰余命女之子名虞余與之唐及生子文在手曰虞故遂應命之曰虞武王崩成王立唐有亂周公誅滅唐成王與叔虞戲削桐葉為珪以與叔虞曰以此封若史佚因請擇日立叔虞成王曰吾戲之耳史佚曰天子無戲言言則史書之禮成之樂歌之於是遂封叔虞于唐是為晉

至文公伯諸侯

齊董賢明為越騎較尉妻宋氏有娠夢有人語之云爾必生男體上當有青誌可名為青建及生男如言名之後青建十四西州辟主簿建元初為水曹參軍

神賜姓吉

占

所生之本本立則林茂夢此者家計日豐子孫日盛昌大隆祿之兆也士人夢之主得大祿或錫土未嫁女子主招夫已嫁女子主易夫

神命字

占曰

字可以行以之命我運必亨通謀事有就壯者益福少者大成丈夫奮志顯功揚名之兆也亦有當就所命之字推之者

細加審察必有徵焉
簡文帝問識書見中有云晉祚盡昌明及李后懷孕夢神人謂之曰汝生男當以昌明為字及產武帝時東方始明因以昌明字之簡文後憶前識乃悟因為之流涕晉祚自此傾焉

神聖令之更名吉

占曰

誠感所致吉無不利文明豹變之符行滿德充之証也夢之者得名得利華故鼎新應有貴人容寵生享榮華無論已仕未仕或老或少或商或賈或幼豎婦女凡夢此者皆有大美大喜之事至矣
唐大曆中夔州推司楊旬子將入試旬夢金剛神謂之曰汝陰騭有感吾特來報汝汝子須改名楊椿塲屋中吾當助子旬既覺
即令子改名納卷遂中第六

豆盧署本名輔貞少年旅于衢州刺史鄭式瞻厚待之謂曰子複姓不宜二名吾為子易之乃書署

著助三字授之曰吾恐子羣從中有同者子自經焉其夕夢一老父告之曰聞使君與君易名君當四舉成名四者甚佳又曰君後二十年當牧茲郡又指一方地曰此處可建亭臺既寤因改名署時已再下第又二舉後復不第又二舉乃成名蓋自改名後四舉也後二十年果為衢州刺史乃于所夢之地立徵夢亭焉其不爽如此

曹熙夢之官府見有曹穎叔名遂更名穎叔

宇秀之後以進士及第歷官天章閣待制

歐陽程初名和營道人也赴省試夢一童子行速

和問之童子云以今科省榜報各處城隍遂問湖

廣陽和中否應曰有陽程無陽和到省自陳改名

程是年果登王世則榜進士時宋太平興國八年

也後仕至屯田員外郎

黔南軍士姓寒者性鯁直所居鄰孔廟家每食必

先祭之如是者累年咸通二年蠻寇作亂侵境廉

使閩兵擇將未獲寒忽夢一人冠服若王者謂曰

吾仲尼也魏君每傾心于吾吾當助君君可更名

吾仲尼也魏君每傾心于吾吾當助君君可更名

宗儒自此富貴矣。既覺喜而更名請行。方擇將時。人盡畏避。忽聞宗儒請行。即遣之。一戰而大破。嘗寇餘孽皆遁。野帥表上其功。授朗州刺史。累遷司農卿。

指物令名

占

天機示于隱微。或顯或藏。夢此者。物佳則名之吉。物惡則名之凶。吉凶之間。即人心之明而深體之。自能悟出。吉者趨從。凶者改避。則吉者固吉。而凶亦可化為吉矣。

劉審義夢一人引上檀香樹。謂劉曰。君速登。以為名。覺後因改名檀。無何。授殿中侍御史。或以為科

彈之。

義云。

宋劉應龍初名某。未試前。乞夢于大乾廣祐王廟。夢室內兩龍盤旋。已騰上一龍之背。越前而出。既覺。遂更今名。次年省闈。莫子純首冠。劉居第二。因親策士。以子純有官。不可以為首。乃依故事。升御魁。為大。

神人告以所遇者

占日

心虔則可以通神明。夢寐之兆。皆平昔之修為所致也。如得是夢。常詳夢中告我者何神。所遇者或何等。人或何處。遇何姓何名。然後辨其善惡。必有驗也。

常州丁運夢人告之曰。汝欲得第。須逢丁可。適以爲丁歲。乃改名達。期欲應之。至隆興元年。省榜出。果有天台丁可。姓名然。度其官。未應作試官也。及乾道元年秋試。丁可待闕家居。潛使聘爲考官。達自慶必得矣。無何。可以病出院。達大憤。然出。則有名。究其故。乃可去時。執一卷囑他試官云。自得此卷。便擬真前列。願勿遺之。雖死亦瞑目。及會卷時。各有所主。不服爲計也。適已取一卷。犯諱。斥。遂以題卷補之。亦錄可力云。

名當顯何年

功名顯達。數錄前定。不安分者。每多妄想。故往往有暗中指示。微逗機緘。醒迷入悟。而在夢爲多。

占曰

髮不爽。但其間或隱或露。變幻莫測。誠不易推。隨夢中所見所聞。或按姓名。或按年月。審其人之有無。計其時之遠近。果與夢合。則必應。如與夢違。別是無成。升遐之先徵也。其細參之。金李世弼。從外家受孫明復春秋。貞祐初三赴廷試。不第。推恩授彭城簿。鬱鬱不得志。遂復求試。一夕夢在李彥榜下及第。時計偕無此人。其子利。年方十六。已能為程文。乃更其名曰利。至定興二年。父子廷試。彥果以春秋中第二甲第二人。世弼中第三甲第三人。乃知夢之不爽。魏清果舉不第。將入試。夢人云。當同陳臯。是年舉第五。而清下第。後三載。清亦第五。計臯與清得第。皆入舉矣。始臯為餘于尉。至此任滿。清亦除餘于。適交代焉。

榜中見人姓名

占曰

榜有金。有銀。有鐵。有竹。版所見者。或已名。或他人名。榜在何處。列在何榜。然後詳推之。金銀榜中者。主台鼎之器。鐵竹者。主郎官秀士之才。若其應之遠近。更須按時叙而論之。倘榜中多死人名。而已

名或他人名列在
其中必大凶之兆

元絳叔赴試夢至一堂榜曰侍中堂堂中
列人姓名有韓琦字時琦未第後果拜相
趙堅初名履嘗夢神人金書名簿有趙堅
者遂更名應之。後登第歷官至吏部尚書

死者稱名

得此夢者主鬼求食或求度或生前有所逋而索
如夢者是祖先宗親主陽宅不安棺槨暴露是故
舊知已主其人妻孥凍餒求照顧是子侄幼輩主
求撫卹其孤或求薦拔覆露如夢者是我不合之
人主有大病至當祈求
神佛解釋禳遣則吉

涼文王張駿夢一人鬚眉皓白自稱子瑜曰地上
之事付汝地下之事付我王寤問之有侯子瑜先
死得其曾孫亮
以為祁連令

通名乞葬

占
陰陽不和。人口不寧之兆也。夢此主宅基地中有
塞棺。當遠瘞之。如不得其處。則薦度之。不然其家
人多疾病。多嗽啞。歲無寧日。蓋彼不安。則令此亦
不安也。亦或有暴屍沙磧。來求掩覆者。當以所夢

詳之。

鄒湛嘗夢一人來拜。自稱甄仲舒。求薨湛覺思之。
曰。字合西土。瓦中人也。乃往取。果得之。因厚葬焉。
夜復夢其人拜謝。

易不祥名 凶

占
有生則有名。名與命關。生死者也。易名而不祥。蓋
佳兆哉。按其字義。輕者主財散。次主疾病至。惡者
主死。亦或有骨肉分離。兵荒水火之厄。應者大抵非吉利之兆。
杜牧忽夢人告之曰。爾改名。畢。物以為不祥。其年乃卒。

禮神佛稱名 吉

占 用下敬上順道也。夢此者主益福壽。士人夢之。祿至。常人夢之。財利增。謀事亦就。出行無阻。所主必清淨之家。以臣遇君。從否得泰之象。

日 有疾人夢之。主疾愈。然富薄為作福。

人與已同名姓 吉

占 同心斷金之象。夢此者。舉子主交益友。商賈主招良伴。作事得人力輔助。動無不利。是夢之徵。

日 唐丞相李珣節制淮南。一夕夢入洞府。見石壁填金書姓名。內有李珣字。方自喜。有二仙童云。此乃江陽部民李珣耳。既寤。詢之民間。果有廣陵人李珣者。年近百歲。究其生平所為。以販穀為業。每斗惟求利兩文。有輕羅者。即授以升。俾自量之。意以此得果報云。

言姓求生

占 毛寶放龜求郊渡蟻。及第封侯。皆得厚報。物類雖微。性靈無異。故種種生類遇有災厄。思得脫免。或托夢于好生善士。或托夢于愛物仁人。理固有之。

日 昔多明証物尚如此。人何必言。夢此無論人與物。

因夢中之所見。悉力詳察。倘有所合。亟為不
援。俾得餘生。獲報之善。諒不下于毛宋矣。
梁南郡太守劉之亨。夢二人姓李。詣之。亨命之
亨不解其意。明日有人遺生鯉魚兩頭。之亨曰。必
夢中所感。乃放之。其夕夢二
人謝恩云。當令君延壽一算。

忽易姓名

占 物有主。更主。則為易姓之兆。夢此必有遷移變產
之事。或棄去所愛珍玩器皿。飾服之類。老年夢此
主仙遊。幼童夢之。蟬蛻與人。不
然。則呂易麻牛易馬。當預慮之。

與人商訂名字 吉

占 定終身之局。象成人之始。與人商訂。參是非也。第
可否也。是得謀之義。惟謙受益。夢此者。每事宜虛
心。待人宜和藹。必有大利益。進業必隆。樹
勛必懋。以柔克勝人。其理了然。甚明也。

述古賢聖名姓

占 夢此者主發希聖賢之志為一時彥俊主獲古本聖賢經傳或有品評經史之任商賈夢之主生讀書之子幼遇明師長必顯達皆人其懷泰山是仰誰云不吉哉

憶已名不起 凶

占 名者明也明其人為何如也故名之不可無也以此無其名即無其人也今已名而忘之是自忘也有此夢主大不祥主已有大殃有味簣淹蹇之災甚者損身小者不起如在外主家有大難人離散財分拆或有椿萱虧損之憂非佳夢也

書名字地上

占 天地否塞蒙昧不明之象夢此者主已身為入土之兆出行不還家疾病者死或夢此而無災無咎者主得如陰宅

柳宗元自永州司馬徵至京時意望錄用一日請卜者告以夢曰予柳姓也昨夢柳作地其不祥乎

金榜題名

卜者曰無苦但憂為遠官耳大生則無樹死則柳木木者收也君其牧柳州乎後竟如其言

占 此為甲第爭先之兆惟士子夢之為佳然必記其夢中景象而決之若神清氣爽志念從容是為吉兆若精神恍惚急驚結夢遠則夢雖美而吉應尚未必商賈求利之徒俱為不利以其有名而無實也

占 又 病大為凶兆
各題金榜夢堪誇
三唱雞聲春睡足
床上西窗竹影斜
床頭書濕漏烟霞

以字作名

占 各乃實也字又表名之義稱涉玄虛若夢此兆為求名未得其顯揚求利未遂其志願一切圖謀須防有虛詐假偽之人指東為西朝四暮三之輩惟在余我誠一以挽回夢兆則凶變吉禍成福矣有訟羈身疾病未脫者夢之反為佳兆

又 移各以字夢中呼顛倒乾坤婦作夫
占 堪歎人生真夢幻笑看玉兔逐金身

名書天府

占 天府即帝庭也名列其上大吉之兆士子夢之登
科及第仕宦夢之當拜相位道流釋子兆之證果
成真法譽振起一應九流公門異途商賈求利之
徒俱為吉兆惟有官訟之人恐事涉憲司天條不
有病者喪亡立

又 至告斗係佑吉
占 夢中各姓標天府退退玉漏當三五
一枕黃梁半未炊何須得失從頭數

空中呼名吉

占 聞半空中呼名此突然薦拔之兆也當有要中之
真響抑處得伸舒矣人夕在淪落今乃平地登雲
商賈虧欠已多今乃一朝大獲婚姻未就當有不
姓之人及山谷居住乃手藝匠作等輩作伐事得
就也

又半空忽有呼名姓聲與傳揚未足奇
占抑鬱未伸嗟久困今朝始得上天梯

師長命名大吉

占天地君親師義同一體天以覆地以載君以治國而崇德親以生身而受恩師以訓誨成性立命其道均焉若夢師長命名是根基立而枝柯將茂也
占士子當掇科名建事業致力王家立勛宇內其他
日一切九流商賈之人亦皆興家創業昌大門閭子孫世守而不遷人眷繁生而不替子嗣有芝蘭之秀壽源有山海之堅

又命名夢荷承師長天地君親道一同
占顯姓揚名成大業宵來寐寤兆先通

御筆題名

占此乃玉陛傳臚龍頭賜狀之兆士子夢之主文章日進天助其智慧考試臨場之日自得朱衣點首
占必奪魁元然雖如是仍審其字畫邊條全與不全
口塔添喚換恐吉處藏凶仙機豈能昭顯惟在人之

細加詳察自然應驗其餘一切夢之亦是吉多凶少之兆

又御筆題名寶翰香依稀夢裏侍君王一枝暫作鴛鴦寄他日翔翔集鳳凰

名標青史 貞吉

占 此乃建大功制大業宜力王朝擴充宇宙得以流芳不朽然又為忠臣烈士節婦義夫殺身成仁者居多夢得此兆恐笑中有惡吉裏成凶遇合非其人動作有乖舛直至災過福生悲極樂至惟在人

之痛加脩省以挽回凶兆可也

又芳名赫赫標青史翰墨淋漓書滿紙義膽忠肝草木香動猷猷揭地掀天擬

青漢中大書自己名字 大吉

占 此聲名振于四海文章事業彌亘天壤之兆也士子功名可得立朝志節驚人為賈為商必至巨萬計家可學陶朱婚嫁成必有貴人主張生子秀後日必當跨竈事事亨利件件稱心更要在人脩德

以應之乃得全美不然恐
太懸虛難擬有始無終也
又各姓書空掛太虛日邊紅杏
朝陽奮潮看鳴鳳破浪乘風雲錦

名鑄碑石

是乃永久不磨之兆士子文成錦繡垂於不朽仕
宦政績如葉黃聲名若韓范但見先難後易始屈
終伸商賈求利之輩夢之時運未能發達受過一
番跌挫經得幾次捷鑿方得通行女子夢之生有
喪夫之憂以其有守志堅貞之象也九流手藝之
人夢得此兆皆為不吉以其有轉動不能之象也
若欲興基創業置買田園乃為大利以其有堅久
不搖之象也惟老年人及有病者不宜夢此恐歸
泉已促而誌
石鑄銘也
夢中各姓勒摩崖垂久芳聲百世佳
馳逐利途應鬱滯士人終得步天街

天帝呼名

夢林考解

卷二十三 名姓

九

夢占

占 天為清虛聖境。帝乃上界至尊。夢中得其呼名。乃紫微照耀。大貴提攜之兆也。文人夢之。主步金階。朝玉陛。身侍龍顏之象也。商賈夢之。當有財帛大進。更要看人之修德何如。苟作事不合于理。立心未協于天。而得此兆。是上帝

又 占 呼名深譴。將有奇禍至也。金闕天皇玉口呼。九重雨露得沾濡。遊仙定有千年酒。入海先求萬顆珠。

王者呼名 大吉

占 此夢乃得聖人陶鎔點化之兆。士子文章日進。智慧日生。僧人夢之。當有法王感應。授圓悟之旨。貴冠兆此。道術靈通。驅神役鬼。生涯貿易之輩。夢之財利大發。一切手藝人等。夢之。必有貴人提拔。病人當遇醫工。

雖凶可救。

又 占 夢中呼召荷君王。日麗當空春晝長。海不揚波鯨鯢息。一天星斗煥文章。

鬼呼姓名

占 鬼乃有聲無形。變幻不測。夢而得之。為虛中虛。中幻。宜于求名。不宜逐利。士子夢之中魁元。慶賀。

日 夢之為損耗。多凶少吉也。

占 又 夢中聞有鬼呼名。士子忻看賜祿榮。一舉首登龍虎榜。十年前是一書生。

公移中有已名字 大吉

占 公移乃官府之文書。公門之咨札。堂堂正正。無私。無私。上以檄下。下以呈上。對署則關牒相通。往來互通。而不紊亂。事雖機密。而無隱昧。凡夢得此。兆。運將發達。顯著聲名。不問士農工商。九流等輩。皆為吉。

兆。

占 又 夢中名姓入公移。白日青天。豈有私。國正官清。民自樂。東風拂拂。遍吹。

名列牌坊匾額

占 牌坊乃頌德稱功。匾額為褒忠獎孝。嘉名美譽。顯人間。凡夢得此。兆。宜加勉勵。則福自厚。祥可。

占 又 夢中名姓入公移。白日青天。豈有私。國正官清。民自樂。東風拂拂。遍吹。

曰

臻士子得功名農人與賈客未

又

能獲大利以其名過于實也。

名在版籍中

占

版籍圖籍也計天下地里戶口之數夢名在其中

日

將有掌握農田錢穀之政若老年之人及久病在

又

床者不宜夢此冥

占

司註名登鬼錄也。

旗幟上書已名姓

占

版籍書名夢亦奇農田戶口細無遺。

日

少年當秉司徒政老病堪憐少藥醫。

此乃張揚顯著可舒可卷之象在文人功名大顯

治則進亂則退有見幾

宋業可與利則避害則避有識時之智無取禍之

端但商賈求利出行江湖販貨恐有踏空不實之

兆未為

吉也。

又旌旂名列任驅縵高捲秋風漾碧霄
遠振英聲騰宇內文成佳韻奏蕭韶

○○○奇名

以正字爲名 吉

占 此梵字也。夢之者必有佛力暗扶。學士主入居金
曹商販主得奇珍異寶。老者夢之。益福增算。若少

日 出家修行有成。僧人夢之爲上吉。
張說嘗夢以泰山形爲名押。以告友人。友人曰。泰
岳爲五岳之尊。得中正之位。君以其形爲押。夫押
者識也。以泰山爲識。君其後爲宰相
乎。踰數年。果登政府。爲唐名輔云。

名止半字

占 形不全而有體。欲成未成。可行未行。夢此者。主志
不堅。謀事無斷。猶豫無定。是以功名無就。財利難
獲。當易柔爲剛。轉懦爲強。則委靡可振。新猷可
日 矣。○半字不成字也。不成字。則不成名。名既不成

車建何自其兆
如此夢者宜省

犬作名

占日

有聲有名。有守有義。吉利之徵也。犬于字爲一。人。但須藉指點之力。夢此者爲字內之俊杰。仕登高位。學人擬龍科。常人夢之。當爲巨富之人。寧靜鎮重。得艮止之義。而巍巍不替者也。陳炳嘗夢其孫師道與一大立圖板上。覺而不省。乃詢于杜庭。庭曰。犬立板上者。乃犬傍有板也。板一片也。片加犬。乃狀字也。而且圖。孫其作狀。乎。炳悟而喜。咸淳中。師道果狀元及第。歷官參政事。

黃旗書名

陳玄敦爲寧遠掾。夢空中懸黃旗。大書一滯字。提上下。移時乃定。觀者如堵。及覺而生子。遂以滯名。後登弘治己酉鄉舉。累官太原府同知。乃卒。

鳥呼人名字

占 夢此者主赴盛筵接賢賓主有遠客至主有所
日 獲如呼女人名字主內人有私約當就夢推之

〇〇〇異姓

一人兩姓 吉

占 天無二日土無二王一人兩姓似屬不可然夢此
者反大吉利主得兩姓之財或產業或有兩人提
日 拔主承嗣主螟蛉主入贅倘老人
夢此則去陽就陰不祥之兆也

人問姓 大吉

占 闢而章微而顯吾道將行之兆也主吉君子夢之
指日飛騰攸往皆利當受 帝王之徵食 天家
日 之祿德足以符此夢者
必有貴下賤之徵也

姓甚多 吉

姓者信也。指其姓使人有以信我。也。姓而多。是信我者衆也。人能信我。州里譽稱無不可行。是信其以信服衆之象乎。信以事上。信以使衆。信以無下。誠能動人。其誰不欽。名聞海宇。業大乾坤。光拱仰。所謀必成。以此細推。其詳可得而知也。

同姓異鄉人 吉

占 夢此者。主結異姓骨肉。終身依之以爲安。有所作爲。必得其人之力。遇合在萍水之逢。幼年得賢師友之助。于象爲身之手足。鳥之比翼樹之連理。同人之義足徵矣。

向人乞覆姓 凶

占 覆姓。重姓也。向人乞覆姓。主重有異姓之憂乎。夢此者。主外孝服。主外來口舌。可憂可慮之事。種種繼至。以勿與外事。及多開口爲戒。是非莫管。庶幾可免其咎云。

失姓字 凶

占 主疾病。主失脫。大者傷身遭盜。小者頭目眩痛。或損首飾上服。老者病死。少者喪父。婦人易所。天不祥之兆也。

羨慕別姓 吉

占 舍已從人。樂取于人。以為善。改過自新之兆也。凡得是夢。必悟昨非。能成今是。坤看氣宇。維新規模。宏整。將大有成就。顯親揚名。奮志直上之兆也。

劉琰字參玉。夢中忽自訝其姓之無奇也。欲易姓。印旁一人授之匙五枚。曰。此汝所掌。非汝所姓也。速改汝素行。姓無容易也。既覺異之。蓋琰性嗜遊。以俠烈為事。自得夢後。便謝平日所交。閉關讀書六年。成進士。官遂昌尹。五轉而至少府監。所司印凡五。一如夢中所指云。

書姓懸樹上

非實非空。不即不離。一身無主。喜有依傍。在松竹則氣凌霄漢。在梅栢則節操冰霜。在梧桐則孤潔。

占 在梅桂等則名騰四字。在桃柳等則表馬展騰。樹推之。自可了然于吉凶也。若桑槐等樹則大不可

憂可患更當以時審之。

王凝之讀書嶠山。苦其學之難成也。聚經史古書數十卷。置几上。焚香禮之。祝曰。三年後學無成。吾送汝于江心。同葬魚腹中。是夕夢一偉丈夫。身衣五綵。引之至古廟。廟中惟一梧樹。謂王曰。此汝也。因與書文兩卷而去。王熟視梧上。有帛數尺。色青。朱書其上曰。州司馬王終此。忽覺不悟。後三年。帥府辟為青州掾。進參幕府。踰年秩司馬。王忽念前夢。嘆曰。吾其已乎。力辭免官。歸林未幾而卒。明曹鼎赴京會試。夢書姓香櫟樹上。而旁有一鼎爐。其年狀元及第。果驗夢云。

姓在天上 大吉

占 夢此者。主名揚身貴。四海仰慕。朝廷倚重。子孫永世食天祿。享天爵。有位者立。登台鼎。無位者亦與鼎元。武將夢之。屬揚宇宙。樹勛絕域。拜將封侯。與國休戚。病人夢之。主危。幼豎夢之。他日飛黃騰

踏如夢他姓者。主應在外家。官訟夢之必大勝。謀財夢之定脫空。

地上拾得遺姓吉

地有姓。地主之所遺也。彼失而我得之。則我將主其地也。以姓遺我。欲我易之也。得夢者益田。墾墾產業。添進人口。俱大有利。在外夢之。主拾遺金。無子者夢之。主生女。或得路旁。或異姓佳兒。或婢妾生子。地。坤也。地上有姓。乾也。坤乾合而家道成。子嗣興。女人夢之。生貴子一。貴女一。皆屬美。如居大皆不能無。殤折之憂。其據理推之。

天象顯姓

廣東永州府寧遠雷震遠。初為縣吏。居廨中。一夕。縣令夢雷聲。大作。有一星墜公廨上。明辰令生。諸曹咸行。列得震遠未赴。問其故。曰。夜生一子。令驚。急呼出。語以夢。且曰。此異子。當謹視之。後子名復。年二十二。登第。官至禮部右侍郎。右副都御史。震遠得贈如其子官云。

黃蛇遶腹

廉使蒞茂在孕時。母翟夫人常夢黃蛇遶腹。至產
妊乃止。幼嘗受學龍泉鄧先生之門。即進士鄧球
父也。先生亦夢黃龍掛館後樹間作聲。既覺。自想
此夢非常。因推黃者金色也。其金姓之兆乎。次日
起。閉門靜坐以驗。時蒞後至。向館外樹。呼反族
門。先生驚曰。何物小子乃爾。蓋是時已識其為異
物矣。以荆金同音云。永嘉靖二十二年。為浙江廉使。官終吏部左侍郎。

應他人姓

一士人至九仙廟祈夢。初夢仙語之曰。胡蘆未生
其年下第。後及期再往祈之。則夢仙曰。胡蘆已生
是年又下第。又及期祈之。則又夢仙云。胡蘆未成
是年又下第。其士人慍蹇。不復往祈。亦不得第。一
日為同儕所拉。復往祈之。夢仙云。胡蘆已成。士人
驚寤。向同儕言之。俱不能解。是年遂得第。觀榜。其
前一人姓胡。後一人姓盧。皆弱冠。計其年。則始祈
夢時皆未生也。問者真不神之。且知功名遲速有

定數
云。

○○○定數

帝與年齡

占
日

帝者。天之主宰。命令不爽。故曰死生有命。又曰壽夭莫非命。夢帝與年齡者。修短之數。一定不易。此正命也。但當順受而已。若有忠臣孝子。請以身代。願減已壽以益君親者。必能感動上帝。天命為之移轉。

文王有疾。武王不說冠帶而養。旬有二日乃闢。文王謂武王曰。女何夢矣。武王對曰。夢帝與我九齡。文王曰。女以爲何也。武王曰。西方有九國焉。君王其終撫諸。文王曰。非也。古者謂年齡齒亦齡也。我百爾九十。吾與爾三焉。文王九十七乃終。武王九十三而終。

神告壽數

享國成算

樊明之幼達事祖母李。李自言少嘗大病。夢神告曰。與汝七十七及期。果病且革。明之素心異矣。或禱於天。乞減已五齡。以益李壽。灼香於頂者七。願福後有爆烈聲。不為動。詰旦李病良愈。又五年乃卒。明之以諸生貢京師。鄉貢年已六十。或勸少進其數。為異日計。明之笑曰。吾平生未嘗妄語。且不敢自欺。卒善其實。晚以特恩。廷試授高州文學。年逾八十。

占曰

貴為人君。富有國家。享年永不永。傳世久不久。豈非天命乎。豈無成算乎。夢中神告之者。其數已定。其兆預聞將來。應驗若合符節。晉成公之生也。其母夢神人謂曰。使有晉國三世。而界驩之孫。後子驩公。孫驩公相繼立。為三世。乃產悼公。悼公。驩之孫也。

十二為期

公孫述威震益都。夢有人語之曰：「八歲子系十二
為期。覺謂其妻曰：『雖貴而祚短。若何？』」安對曰：「朝聞
道，夕死尚可。況十二乎？」會有龍出其正殿中。夜有
光耀。述以為奇。當刻其掌文曰：「公孫子。」遂自立為
天子。號成家。色尚白。建元曰：「龍興。」元年至十二年。漢滅之。

上天第十九子

清河崔靈運為上府參軍。夢上天謂已曰：「蕭道成
是我第十九子。我已授位。自三皇五帝至齊。受命
天子凡十九君。是為齊高祖。」

陳氏世數

陳武帝未卽位。有直閣吏史滿。夢神人朱衣執玉
簡。自天而降。至太極殿。曰：「陳氏五帝年三十二。及
後主降隋。史滿歎曰：『朱
衣金字。一如其數。』」

十六之數

晉謝安還都語所親曰昔桓溫在時吾嘗懼不全忽夢乘溫輿行十六里見一白雞而止乘溫輿代其位也十六里止者今十六年矣白雞肖酉今歲酉吾病其殆乎卒年六十有六

蓍數

占曰

蓍策草也龜策傳曰王道得而蓍莖長丈其叢生滿百莖上有黃雲覆之下有神龜守之操蓍之法大衍之數五十止用四十有九分二劫一操四錢奇四營而成變三變而成爻十有八變而成卦凡蓍此者祿位名壽事物之數不過五十

齊褚彥回少病篤夢人與卜蓍一具遂痊果年四十九而薨

孫承祐為錢俶中吳節度使降宋徙奉寧軍節度使少嘗夢人以蓍草一本增其一而授之既寤以語所親曰大衍之數五十其用四十九今增其一吾壽至五十乎後果年五十而卒

二字加點

楊大年，年三十七，為翰林學士。晝寢，夢懷玉山人來謁，出一牒，字云：三十七。大年驚曰：得非數乎？玉以筆點三字為三。字年四十七而卒。

孔子之年

譙周夢見孔子，周曰：昔孔子七十三而歿，吾今年過七十，恐將不免。明年果卒。

七九之年

唐李德裕為新繁縣令。鑿東湖，夜夢一老人曰：潛形其下，幸庇之。明府富貴，今鼎來。七九之年，相見於萬里外。後於土中得一蟻，徑數尺，投之河中。而德裕以六十三卒於朱崖。果應七九之讖。

當食萬羊

李德裕為衛國公，分司東都。一日召僧問休咎。僧曰：公災當萬里南去。平生當食萬羊。食九千五百矣。李曰：元和十三年嘗夢行晉山，山中盡目皆羊。有牧童十數迎拜曰：此侍御平生所食萬羊。吾不

洩言於人也。俄而米暨饋金。封上書。崔羊四百。數曰。至此已爲柑公所有矣。及旬。貶潮州司馬。遂貶崖州司戶。竟歿於崖州荒裔。

四十當貴

裴寂過華山祠。祈神自卜。夜夢一老人曰。君年踰四十當貴。後果然。

榜二十六人

員外郎樊系。未應舉前一年。嘗夢及第勝出。王正卿爲勝頭。一榜二十六人。系官帶陽字。明年方舉。登科之後。果是王正卿爲首。人數亦同。系又自書郎調選。吏部侍郎達奚珣深器之。一注金城尉。系不受。珣云。校書得金城縣尉。不作。更作何官。系曰。不敢嫌畿尉。但此官不是系官。珣云。合得何官。系云。夢官合帶陽字。珣歎曰。是命也。因補涇陽縣尉。

鹿皮之數

吉士瞻夢得鹿皮十一領及覺喜曰鹿者祿也吾
當居十一祿乎自其仕進所蒞已皮及除丙陽
昌二郡太守心惡之遇疾不肯療而卒

前後各三年

典化黃鼎無子。構妻妾。購羅漢堂祈夢。夢羅漢云
前後各三年。後妻生子木。妾生子。同歲生。未
年也。至淳熙甲辰。杰登第。丁未。繼之。相去乃三年云。

神示科名

占曰

聰明正直而為神。有所必應。有感必通。無私祐。不
虛美也。夢示以科名者。其人才德兼全。富貴可待。
故遭逢之會。適當發達之期。此榮通之定數也。智者詳之。

宋泉州府治西鐵爐廟之神曰應魁聖王。士子求
科舉者多謁夢於此。慶元四年秋。曾從龍禱於廟。
夢有幅紙示之云。兩爵並躍於今秋。一薦獨
橫於天下。是科兄弟同舉。明年春。果繼狀元。

四十年前事

宋泉州士子曾從龍夢一人屈指歎云四十年前事明年春及第蓋泉自梁克家大魁後至從龍登第四十年前故也

曆十五冊

漢行人灝會試時中一百八十六名同年童生解問先此有夢否莫云夢人授黃曆十五冊不可解童云曆十五冊得一百八十月三年一閏五再閏積十五年得六閏非一百八十六乎莫始知夢之巧如此

喝六作五

託以微少時以登科禱神夢神告曰汝欲登科須憑陰德叔微自念無力惟醫可通人無高下所託甚多後夢神授詩曰藥有陰功陳樓閣處堂上盧喝六作五是歲登進士第六名上一名陳祖家

下一名懷材及傳職。
恩如第五名授職。

詩篇應珠數

進士謝諤家于南康。舍前有溪。謗為兒時嘗夢溪中有人以珠一器遺之。曰。郎吞此。即明悟矣。持度其大者不可吞。即吞細者六十餘顆。反長。善為詩。裝說為選其善者六十餘篇行於世。

○○○報應

帝所甚樂

趙簡子疾。五日不知人。大夫皆懼。醫扁鵲視之。董安于問曰。鵲曰。血脈治也。而何怪。在昔秦穆公嘗如此。七日而寤。寤之日。告公孫支。與子與。且將大亂。五世不安。其後將霸。未老而死。霸者之天下。且令而國男女無別。公孫支書而藏之。秦穆於是兆矣。獻公之亂。文公之霸。而襄公敗秦師於殽。遂荒淫。此子之所聞。今主君之疾與之同。不出三

曰疾必問。問必有言也。居二日半。簡子寢。蘇大死。曰。我之帝所甚樂。與百神游於鈞天。廣樂九奏。舞不類三代之樂。其聲動人心。有一鵲欲來。鳴。帝命我射之。中熊。熊死。又有一鵲來。我又射之。中。鵲死。帝甚喜。賜我二笥。皆有一鵲來。我又射之。中。帝屬吾一翟犬。曰。及而子之壯也。以賜之。命告我。晉國。且世衰七世而亡。嬴姓將大敗周人於芒。之西。而亦不能有也。今余思虞舜之勳。適余將以。其胄女孟姚配而七世之孫。董安于受言而書。之。以扁鵲言告簡子。簡子賜扁鵲田四萬畝。能日。簡子出。有人當道。辟之不去。從者以聞。簡子召之。曰。諸。吾有所見。子晰也。當道者曰。主君疾。臣在側。簡子曰。然。有之。子之見我。我何爲。當道者曰。令主君滅二卿。夫熊與鵲。皆其祖也。簡子曰。我二笥。皆有副。何也。當道者曰。主君之子。將克二。國於翟。皆子姓也。簡子曰。吾見兒在帝側。帝屬我。一翟犬。曰。及而子之長。以賜之。夫兒何謂。以賜。犬。當道者曰。兒主君之子也。翟犬者。代之先也。主君之子。且必有代。及主君之後嗣。且有革政而。服。并二國於翟。簡子問其姓。而延之以賓。當道者

得藥療母病

曰臣野人致帝命耳遂不見後二年中行文子范昭子作亂簡子逐范中行而竟有郟鄏桓人之地奉邑皆於諸侯矣簡子卒襄子立遂并代地而滅智伯至武靈王胡服騎射而趙益強大

借錢千萬

夏侯訴母病忽夢其父告曰汝母非他藥可療玉帝念汝至孝賜以仙藥在居後桑樹枝上既寤驚起視之得藥進之得痊也

索所借十七萬

周舉貧夜耕因卧夢天公過而哀之司錄案籍此人相貧限不過此惟有張車子錢千萬車子未生請以借之天公曰善

初梁武帝在襄陽曹武厚饋曰卿必大貴我當不及見今以弱子相托時武帝在戎多乏亦向曹武

借至十七萬及卽位忘其惠天監二年夢如田騰
下行兩邊水涿無底甚懼忽見曹武來負帝得還
日卿今爲天下主乃忘我顧托之言耶我兒飢寒
昔所借十七萬可還其市宅帝覺卽使主書送錢
還之使市宅曹子世
登世宗並蒙擢用

欠柴七千七百束

汝州刺史柳凌夢一人呈案言欠柴七千七百束
時幸正置審軍事判官柳因訪之曰柴薪木也公
將不久乎月餘柳疾卒鞫查鏹簿唯官
中欠柴七千七百束披案方省前夢

二十年前事

潭州旅店主人稱二有子年未冠屢謀弑父所厚
者恐累已乃首之帥府真德秀遣赴左院推勘卽
準伏案到鼠尾刀解官問其故則卒無說鄰里云
常挾利刃其謀叵測但其間並無他故獄成而眞
改送府院推勘亦如前款眞疑展轉歲餘忽夢神
告之曰此無怪其然乃二十年前事耳及旦眞程

二屏左右言今日獄已成但兩心下別有何事程
翁皇良久曰無事真曰爾二十年前做甚麼事來
此事我知悉爾其無隱程二啞然曰二十年前有
鴻山行者到店安歇欲買度牒因貪其財物殺而
有之所殺屍見瘞厨中真乃委官發掘屍果在并
籍其產千緡復審其子又無說真曰爾別做生計
不見父何如其子曰不願做生意若得千貫錢買
本度牒鴻山出家去真遂以所籍家產千緡與之
果被剃出家於鴻山
程二編管於建昌軍

有罪震死

廬山賣油者養其母甚孝為暴雷震死其母自以
無罪口號泣于九天使者之祠願知其故一夕夢
朱衣神告之曰汝子恒以魚膏雜油中以圖厚利
凡齋醮用此油則腥氣熏烝神靈不降震死宜矣
母遂不復號泣

服藥去病

張汝明事親孝。執喪哀毀。庭裏行。輒陪夢。父授以服。天南星法。用之驗。人以爲孝感。宋陳宜中。夢人告曰。今年天災流行。人死且半。服大黃者。生。後疫癘大作。服者果不死。丘傑爲程人。年十四。遭母喪。以熟藥有味。不啻於口。歲餘有病。忽夢母曰。死止分別耳。何事乃爾。茶苦。汝嗽生。茶遇蝦蟇毒。靈床前有三丸藥。可取服之。傑驚起。果得。既既中有藥。服之下。科斗子數升。丘氏世寶此。匪。

解監軍禍

周世宗嘗疑涇帥史懿欲叛。密詔晉州節度使楊廷璋使陰圖之。廷璋明其無他懷。詔書見之。懿曰。死不敢辭。乞免妻子。廷璋左右語之曰。吾以百口保君。君單騎入朝。可也。懿從之。遂得免禍。及宋有天下。廷璋猶在首。監軍則罕儒者。廷璋周之。戚里近親也。欲殺之以爲己功。每見必裏甲懷刀。廷璋知之。待以誠心。略無疑畏。會春日當宴。罕儒與與尚蚤。徘徊獨語曰。事久變生。今日不可失也。

因假寐恍惚如夢有神人謂曰此夢也實無異志不可妄洩驚覺汗下悔泣擲刀于地徑造廷璋再拜謝過具言所夢廷璋愕然曰有是哉善者亦夢神人來告曰汝有陰德天國報汝善為汝解坐軍之祠可保無虞也吾夜半起坐命門客書幅經記之方欲與君語而未敢也因持諸錄以示宰儒其所言神人容貌衣冠劍履無差焉一人相持而泣結交終身嗚呼異哉世所謂陰報者豈輕也哉豈可忽也哉

飛雲渡免水厄

張耕錄云飛雲渡風浪甚惡每有覆舟之患有一少年子放縱不羈嘗夢神示曰汝之壽莫能踰三旬且不得其正死乃徧叩日者言亦多同于是少年自謂非久于世乃不娶妻不事生產每以輕財仗義為志嘗笑船渡傍見一丫髻女子徘徊悲戚若將赴水少年亟止之問曰何爾輕生如此答曰我本人家小婢主人有姻事暫借親眷珠子耳環一雙直鈔三十餘錠今日送還竟于中途失去

寧死耳焉敢歸少年曰我適拾得但不審果是汝物否方再三席間頻數裝束實是遂同造主人主人感謝欲贈以禮辭不受既而主人怒此婢違嫁業被刺首所赴去渡所咫尺間期歲少年與同行二十有八人將過渡道遇一婦人拜且謝視之乃失環女也因告其故于夫強雷午飯餘人先登舟俄風濤大作皆葬魚腹蓋少年能救人一命而造物者亦救其一命以答之後少年以壽終廣在溫之遂安

助貧抹溺

洋梁戴公珊家食時課業水次之小樓夜夢二鬼共語云明日有婦投水吾得代矣及旦伺之果有蓬首少婦向水而泣將自溺公下樓呼問之訴曰兒里中某甲妻也某甲飲博鑿我慘貨今貧逼求為婦兒本良家子誓不肯從寧溺死無貽父母羞公止之曰汝計安矣死者不可更生因令關人蕭內茶湯頃之狂夫端而呼其妻公正語責之曰汝何逼妻至此即貧不驅生我有銀一笏資汝夫婦

泣拜而去。是夕又夢二鬼數曰：三年汨汨，待得替身，又被尚書救却，奈何奈何。後公為都御史，進尚書，致仕。

代債嘉行

宋嘗人朱承遠為本州孔目。五鼓趨郡，遇駱駝橋下，哭聲甚哀，使僕視之，有男子携妻挈將并命于此。蓋負勢家三百千，倍息督責，不能償也。朱惻然論之，且護之歸。正德諸悍僕託索于門，朱曰：以三百千故，而溺死一家之命，可乎？示吾原券，吾當代償。母錢債家，慚而聽之。橋下人感泣，請為奴婢，不受。仍資以二百千而去。後承遠一夕夢神告曰：若能捐財以活困命，陰功非小。當賜汝二孫，並得貴顯。是年即生孫服，皆登科著名。

〇〇 機驗

泗州護正

惠州太守方君之夫人奉佛甚虔。一夕夢泗州大聖求別云。將送蘇子瞻過海。建誌之日。幾時當去。答曰。入日去。果如所言。參寥以詩誌之曰。臨淮大士本無私。應物常于險處奇。擬護舟航渡南海。知公盛德未全衰。

十一人

宋三山蘇大璋治易有聲。戊午鄉舉。夢為第十一。人。數為人言之。既試。有同經人訴于郡。謂其自詩之確。如此。必將與試官有約。乞究治之。及拆籤。第十一名果易也。師携此杖入院。備示考官。謂設如所言。諸公將何以自解。不若以待補首卷易之。求皆以為然。既拆籤。則自待補為正解者。大璋也。由正解而為待補者。乃訴牒之人也。次年蘇遂冠南宮。齊東野語詳載其事。

佳地不與汚吏

王閏脩先生傳太上感應篇章注受賂一句。引見閩紀訓云。余友歸安仲思忠實直爽。閩精堪輿家。

衛國故方伯何公先爲湖州太守其壻六合尹林克正知思忠乃延之入閩爲方伯公擇葬地而其姻某氏亦欲葬父因送還其家連日探幽涉險得一地甚佳方點穴間雨驟至遂下山約天晴再往是夜思忠夢一老者問曰今日之地佳乎曰佳曰此切勿與之此人爲考官賣三舉子當有陰禍若葬此地法當榮其子孫非天意矣明日思忠因問克正曰昨大尹公先爲何官其官業何如曰先爲某縣教諭轉此官不久遽卒他無所短長但聞爲考官時通關節得賄甚多鄉評以是少之思忠惕然內警遂托故辭歸越二三年遇其鄉人問某大尹葬何所其人曰因其勢家爭墳地致死人命官事牽纏至今未葬家業亦且凋落矣思忠每與余道此相對歎異人之素行不可玷福地不易得而冥報之說不可不信

受賄奪爵減算

見聞紀訓云荊州府推官魏釗廣東人嘗往夷陵州檢屍道經某鎮有鄉宦徐少卿台宗者素奉梓

董神極靈忽夢神告曰明晚本府魏推官過此其人前程遠大後當入銓曹可預結納之應得其力遲明偵之果然少卿乃具衣冠謁款甚勤因留宿焉執手鄭重而別魏去夷陵不數日少卿復夢神告曰可怪魏推官此去受賄數百金故出人罪使死者含冤之極上帝已盡削其應有爵秩并年壽亦不永矣惜哉少卿深用歎訝試遣人往夷陵跡跡之果不誣未幾魏丁母憂歸復補濟南等陞戶部主事纔一年遽卒于京邸家亦凋落云

酷吏得疽報

深陽以其尹雲南定遠縣縣有富翁死其婦掌家神教萬金以因拘婦持訊之私囑尹曰所追得者請中分其半以四萬金而叔與尹分有之婦遂賁恨以死後使能一夕夢此婦手持一小團魚掛于臥床而云此竟驚疑不已未幾遂罷生疽如團魚狀以手按之四足俱動痛徹骨髓晝夜號呼而死五子七孫皆患團魚疽相繼死

天曹降爵

侯鑑為江夏令，與勝緣山長老居約有舊。時時往訪之，每往必已先具一日又至。延待殊闕。鑑私問之，居約曰：「公每至，土地必先報，此番不報，是以失款待也。」鑑大驚，密諭居約使問土地所以。是夕，居約夢曰：「侯鑑合作宰相，于吾有統攝，故報。今為受司矣，吾無統攝，是以不報。」

尊德推位

宋張忠定公詠守成都。嘗夜夢謁紫府真君，坐定吏忽報請到西門黃承事，與君降階接之。禮甚恭，且揖公坐承事之下。明日遣人請承事，比至，果如夢中所見。公告之故，問平日有何陰德。承事云：「無他，長惟每歲禾麥熟時，以錢收糶，至明年新陳未接之時，糶與細民，價值不增，升斗如故。」公曰：「此宜坐我上也。」承事後，商紫衍、青紫不絕。

獄枉訴冥

趙時爲無爲軍教授。夢一囚曰。某不幸。爲祖刑枉殺。時曰。祖公明法律。又處已廉謹。安有枉者。囚曰。某死雖非祖意。因其一疑。遂至移獄。竟以論死。有所自。非翔而誰。某已訴于冥司。翔不久矣。月餘。果卒。

如意時暴死

雷錫者。江西人。紹興中。一舉中南省高等。廷試前三日。客死都下。援音與計。踵至鄉里。其妻日夜悲泣。一日。夢申錫如平生。自言我往爲大吏。有功德于民。故累世爲士大夫。然常入死囚。故地下罰我凡三世。如意時暴死。前一世仕久連蹇。後忽擢要官。占入都門而卒。今復如此。凡兩世矣。要更宿譴耳。

妬殺受報

劉道源爲蓮溪令。既解官。宿秦氏家。夢一婦泣訴曰。某卽秦氏妻也。夫有一妾。不肯相下。某因怒。誣殺之。爲妾所訴。陰君處某以死。且謂某毒很。誣爲羊。見在秦氏欄中。明日將充君庖。某之死。固合有分。但腹有羔。若因某而受烹。業愈重矣。願賜一言寬免。劉待旦言之。則已宰矣。秦氏舉家大哭。納羔其腹。瘞之別野。

活億萬命以延餘算

富商楊序。宣和間夢神告曰。子逾正當死。若能救活億萬物命。可以獲免。序曰。大期已迫。物命有限。未易滿數。神曰。佛書有云。魚子不經墮漬。三年尚可再活。曷不圖之。序于是大書神語于通衢壁間。由是人皆知戒見人殺魚。卽取其子投之江中。月餘復夢神曰。億萬之數已滿。壽可延矣。既而果得壽終。

冠破私術

夢林玄解

卷二十三 機驗

美

夢占

助非

王開脩先生傳太上感應篇以私廢公一句有云
汪玉山起為大宗伯知貢舉將赴京約故人某至
富陽一寺中與同宿私語之曰某此行獲預貢舉
片試程文當于易義冒子中用三古字其人感愧
而去玉山既入闈搜易卷中果有一卷正合遂真
前到拆卷非某也數日某造焉玉山以其售之他
人也切責之某言無之但臨場病作不能進棘耳
他日中式者來謁玉山問曰公文則誠善矣然易
義冒中用三古者何中者對曰茲事甚怪某來就
試時假宿富陽寺中見一棺停廡下僧指曰此官
員女也殯且十年矣無人來葬是夕夢一女子曰
妾某官女今有一言相告子今就試可于易義冒
中用三古字必中榜歸途過此乞為妾管葬今將
葬之玉山驚歎不已夫世之以私廢公者寧不慮
之以破其計者乎

時開治丹陽楊詢為客開性暴橫每事咨詢詢雖
知其非而不敢忤一切歎美而已開于暑月怒

答其吏。詢特是之。并答囚四十餘人。兩人已驚。詢
猶從旁稱快。其夕夢神語之曰。佐祭得嘗。佐闕得
傷。汝數數成尹之惡。
大限及矣。未幾卒。

不忍敗稼獲福報

王開脩先生傳感應篇。敗人苗稼一句云。予初聞
先大夫云。吾邑數十年前。有兩富人互相仇。其一
有田既下種矣。其一密召僕某。與稗數斗。令夜散
彼田中。僕念彼家力作。何忍誤之。然迫于主命。不
得已。乃私蒸其稗。其主潛行察焉。則僕已遍市之
矣。已而皆不生。其事秘。無人知。後僕之子登進
士。僕竟受封典。老且病。自度不免矣。忽夢一人告
之曰。以爾某年某月日事。予爾貴子。今更延爾壽
勿憂慮也。僕方與子孫言之。
病亦果愈。又享祿數年。乃卒。

破婚不第

樂善錄云。侍郎孫洪少時與一同舍生遊太學。相
與約無得隱家信。一日同舍生得書。秘不以示孫。

固索生出示之書云。昨夢至一官府。閱登科籍。汝與孫洪皆列名籍中。洪名下有朱字云。于某年某月。不合寫離書。不得過省。孫愕然。生問果有是乎。孫曰。向東上在某州。適見某翁媼相訴求離。某輕易。寫離書。不意上帝譴責。乃爾及就試。生果高中。而孫下第。方信前夢為不誣也。生曰。某西歸。當為合之以契天心。孫問孫向所遇人姓氏。尋跡得之。夫婦俱未有偶。生為具道前事。置酒台之。馳書報孫。孫感悅。其後孫以太學內舍生免省。歷躋廉仕。屢典大郡。所至有離婚之事。未嘗不為宛轉調護。

九人之外公宜察之

郭黃中知雲安軍。十里外有樓霞宮。公一日詣宮。燒香夢神告曰。公惠此邦。邦人受賜多矣。然有隱匿不敢不告。明日有解屠牛者至。九人之外公宜察之。詰旦。巡檢司果縛九人解來。有一兵自言捉獲。欲請功賞。黃牛乃兵殺嫁禍九人。而又執以希賞也。公一詰遂伏。

數應無靴

七修類稿云嘉靖甲午浙江考試官馬呈瑞入簾之夕簾中驛丞張煥夢考官騎後繫婦人之首騎奔入場張逐之入頭曰勿救彼我特來報仇耳覺以告諸同事者無何聞考官病御史以張善醫令入侍之則馬不可治矣馬時尚了了但云驛丞爲我還此婦人張詢其僕乃知考官前任鎮江時所死淫妾金氏非過其地遂動心得疾及死前一日語諸官曰勿管于九鯉湖夢中舉後復入貢院欲易靴而或曰汝無靴矣昨入簾見靴不可得今非死之數乎嗚呼果報之說有之耶有之乃奇怪也紀以警人

債恨兩償

武陵陳孝廉之父嘗遣家僮收債于後邨某甚久之俱物故矣而孝廉家有畜犬頗馴一日突入鄰家齧其女孩頸見血孝廉以大席之故爲鄰人

所訴逐擊殺犬。夜夢人語之曰。我後郎某也。宿負公家穀六石。業爲犬守六年。償矣。所當報。今寬債俱之。故家僅也。以擲碗宿憾。故嚙頸相報。今寬債俱已盡。而向所貸註籍。尚未銷。願賜憐。孝廉檢文。故篋得券焚之。

巧管獲譴掩骼登科

閭然堂類纂云。巫山士人。以關節豫購。試目自謂得雋。猶援之也。比赴省試。策馬過潼川之射洪山。山有飛石巖。峭壁糾絕。下瞰江流。忽飛石自空而墜。正中士人首。斃之。從者駭散。棄屍不救。會同座某繼至。憐而殮焉。殯于寺。期以異日歸葬。是夜夢死者告曰。某以妄營。自速天譴。蒙君收掩遺骸。願奉試日。助君得雋。所以報也。同座某果預解。遂逐其管。而巖際錢石。皆土人。中石墜馬之像。至今尚存焉。

卸禮獨譴

羅鞏大觀間遊太學有神祠甚靈鞏每以前程祈禱一夕夢神告之曰子已獲寔譴可急還鞏曰某生平無大過願聞獲罪之由其神曰子無他過惟父母久不拜禮義爲儒者故任其咎子兄以子服習禮義爲儒者故任其咎子兄碌碌不足責也鞏悔悟束裝而歸道卒

念萌異感

龔仲和李長蘅素心之交也一日長蘅過仲和而宿其家仲和尚未寢徐步庭中翫月頃之長蘅已覺見有人在庭問之則仲和也因謂之曰適得一夢甚可笑夢與子同坐此齋忽有黃冠數人排闥而入直來毆子吾亦爲解之去已復來又如前解之仲和聞其言愕然曰異哉適亦欲眠見月色可戀聊步于此偶思此庭小此外乃黃冠開地也意欲以善價小展二肘不意遂見子夢此事若行其爲後日爭端乎因相與歎息而寢其事

參寥兆應七年前

參寥泉。在浙江杭州府西湖之北。寶雲山智果寺。蘇子瞻記。畧云。僕在黃州。夢參寥子賦詩。有寒食清明都過了。石泉槐火一時新之句。後七年。守錢塘。而參寥子卜居智果院。有泉出石縫。甘冷宜茶。寒食之明日。僕自孤山來謁參寥子。汲泉鑪火烹茶。劇談玄理。意日而別。因憶所夢。已兆于七年之前。故名之曰參寥泉。

天生

生。生泉。在江西廣信府城察院堂西。皇明餘姚翁大立記云。嘉靖丙午。予以刑部郎中。審錄江西。踰年五月。至廣信。即御史臺居之。將復命。從史皆病。疾臺中有怪物。狀類狗而大。每夜分即來。來即餐。國具去。綠垣無實。尚戶皆弗啓也。時信城大疫。民間鳴金。告鼓驅疫。思聲徹昏曉。從史聞之。皆恐。恐畏死。泣且告予。予乃肅衣冠。藏燈密室待之。夜分果來。命諱人遮擊數百。乃死。疫者疑稍解。然亭神人語曰。君從者病。惟天一。生能治之。明日且至。明日為六月初也。予蚤起戒門者曰。有稱天一

生者至無甯門日哺無報至者于得除散步且疑
且思忽堂之西偏有地津津然以物發視至尺許
清泉湧出實從乾方來若噴沫狀飲之寒且甘予
喜曰天一生水神人告我哉遂命疫者人飲數
卽愈既而城中疫者羣飲之無不愈
乃命工采石甃爲井而名之曰生生

贈金延算

真州一巨商每歲販鬻至杭地有神著靈商禱焉
夜夢神示曰汝分中錢財頗多惜乎中秋前後三
日內數不可逃既覺心甚鬱鬱即戒程時八月之
初舟次揚子江見江濱一婦仰天大號商問焉答
曰妾之夫作小經紀止有本錢五十緡每買鷄鴨
過江貨賣歸則計本于妾然後持贏息易柴米餘
資盡付酒家率以爲常今妾偶遺失所留本錢非
惟飲食之計無所措亦必被筆死寧自沉商聞之
歎曰我今厄于命設令鑄金可代我無虞矣彼乃
自天共生哀哉亟贈錢一百緡婦感謝去商至家
具以夢中之言告父母且與親戚故舊叙承訣閉
戶待盡父母親故宛轉寬解終弗自疑踰期無他

白寃陰府

故復之流舟且風偶泊向時贈錢處登岸散適此婦擁負嬰孩過諸道迎拜且告曰自蒙恩府持援數日後乃產母子二人沒齒感再生之賜者豈敢忘哉商至杭復禱于神又夢神人示曰汝本當死冥司以汝活二命陰德賜汝壽終商益感神之靈捐貲以新廟貌焉

北齊尚書左丞盧斐巧伺上意致位台司時有陽翟太守張善苛虐貪饕惡聲流布御史魏儁奉詔治之罪狀皆實善乃行賂許奏以儁儁恃憲枉見推撻文宣帝信之欲窮正其事下斐覆驗斐見帝怒不為別白是非反傳成儁儁死罪而善倖免儁舊就市之夕令史夢儁儁曰我寃吾所知也乞其指筆隨我尸語將白之于陰府一凡暴疾死矣一月斐坐獄敗魏史為魏收所劾奏帝鵠殺之

公裳下穿出一尾

以惡報恩冥中奪魄

宋王咨以強鸞處官。紹興初。為四川都轉運司幹辦公事。被檄按井。遂川。躬自詣井。盡令井戶承認丈額。合認五十斤者。必令倍認百斤。利其沒官而官自煎也。未幾井戶皆至破敗。咨亦暴卒。當死之夕。楊使君夢咨來求救。公裳下已穿出一尾。既而逕入一鄰舍之門。明日往詢。乃生一牛。

南齊蕭季厥粗猛無行。善于彌縫。高帝時。為蕭詠所冀。詠累為郡守。在政貪穢。詠輒掩之。及詠見誅。季厥啓收其弟誅。深加排苦。乃至手相摧辱。誅曰。君不憶相提按時耶。幽冥存知。終當相報。後季厥為廣州刺史。白日就几假寐。恍忽夢見誅將兵入城。收之。少日果為周世雄所襲。奔山中。為蛇所齧而死。

暴殄天物冥司譴罰

宋紹興初。郭普州。印之之女。名引鳳者。一夕夢至一官府。見無數罪人。有婦人姓趙。名十一。耕在麻

下。前列數堆帛，皆片碎段疋，及新舊無數衣服，引
鳳問曰：「此何罪耶？」吏曰：「此人好服綺羅，耗剪端疋，
奉命一一補綻，復令成疋。」
更備受諸楚，乃得釋去。
趙士周夫人全氏既死，士周夢全氏謂曰：「我生平
耗費纏帛履屨之物，及洗頭濯足，分外使水，陰司
罪我，日加筆楚，苦不可言。」
幸為我設齋醮以解之。

枉殺訴冥

陳周士造直齋侍郎振孫之長子，登第為嘉禾條
攝郡。一日宴客于月波樓，有周監酒者，勇爵代庖。
此乃趙與某德淵之諱，是日適以小舟載客薄
遊，初不知郡將之在樓也。周士適顧見周急棹棹
趨避，周士令詢之，知為周也，怒形于色曰：「某不才
望輕，遂為一卒相侮如此，乃審撫其數事，作書達
之于趙，備言誠愆過惡，時趙守吳，即日遣逮決脊
編置，仍押至，未示衆，時方炎暑，周士乃裸而曝
之烈日中，瘡血臭腐，數日而死，時寶祐丙辰季夏
也，是歲十二月，周士忽夢周指謂曰：「汝屈打殺我。」

我已訴之陰府矣。不久汝當來與我對辨。後周士果疽發背而殂。

慢先靈蒙訓誠

看山主簿高邦佐。居父喪二七設齋。是夜夢父責之曰。汝初怠于齋事。僧與庖人皆不嚴潔。雖設無益也。惟今夕延僧宗順。素有定力。密契因果。兼所誦大明神呪經。及素九天生人章。皆能福我。且有餘功。暨諸因耳。自此邦佐終喪。無敢懈禮。

夢林玄解卷之二十三

夢林玄解卷之二十四目錄

夢占 圖說 五屬事物

長卿五神傳變二氣發夢圖說

五神傳夢吉圖并說

五神傳夢凶圖并說


五神環傳夢吉圖并說

五神環傳夢凶圖并說

五神傳夢吉藏凶圖并說

五神傳夢凶藏吉圖并說

五神變傳夢吉圖并說



五神變傳夢凶圖并說

五神混傳迭化吉凶方圖并說

五神混傳迭化吉凶圓圖并說

五神因夢配五行圖并說

五神乘夢配八卦圖并說

肝屬之事

心屬之事

脾屬之事

肺屬之事

腎屬之事

肝屬之物

心屬之物

脾屬之物

肺屬之物

腎屬之物

陽氣盛極發夢圖并說

陰氣盛極發夢圖并說

陽氣虛極轉夢圖并說

陰氣虛極轉夢圖并說

二氣盛衰傳夢圖并說

夢林玄解

卷二十四目錄

二

二氣虛實傳夢圖并說

二氣俱盛見夢圖并說

二氣俱虛見夢圖并說

夢林玄解卷之二十四目錄

夢林玄解卷之二十四

夢占

長柳五神傳變二氣發夢圖說


據圖端舊元有經世久湮埋今僅存此圖得之霍山古塚惜乎其殘缺不全矣研心反覆數歷暑寒聊以臆解疣贅一二敢云復古之心乎乃是所著之象則非沉於內觀探五神之根源者弗獲焉其絕代靈筭後有知者能測而識之古昔占夢之指庶幾復有繼起矣幸勿忽諸

大建元年

肇慶東安劉蒨記

五神傳夢吉圖

五臟之神發於夢寐各有所屬事物略列圖後以便審察。



身有五臟。臟有五神。神有五運。夫人夢則魂交。神爲之也。發於五臟。竅於泥丸。萬事萬物。各屬本臟。乃傳本神。正氣旺。是相生。相生者。爲吉。爲休。客邪勝。是相尅。相尅者。爲凶。爲悔。正邪相乘。生尅迭變。意我

古聖屬圖明世之指。歟。謹用蠡測其概。於各圖之末云。


凡先夢脾屬事物。而後及肺之所屬。夢肺屬事物。而後及腎之所屬。夢腎屬事物。而後及肝之所屬。夢肝屬事物。而後及心之所屬。此爲正傳。占吉也。

五神傳夢凶圖




凡先夢脾屬事物而後及腎之所屬夢腎屬事物而後及心之所屬夢心屬事物而後及肺之所屬夢肺屬事物而後及肝之所屬此爲逆傳占凶也。

五神環傳夢吉圖




夢五神所屬事物。自肝而達心。自心而達脾。自脾而達肺。自肺而達腎。自腎而復達肝。得相生之氣。而形於神魂之交者。是爲順環而占吉。

五神環傳夢凶圖




夢五神所屬事物。自肺而入肝。自肝而入脾。自脾而
入腎。自腎而入心。自心而復入肺。得相尅之數。而形
於神魂之會者。是爲逆環而占凶。

五神傳夢吉藏凶圖




五神以脾藏爲生人之本。故以脾屬之夢而因夢肺屬以肺屬而因夢腎屬以腎屬而因夢肝屬以肝屬而因夢心屬固爲吉占。倘以心屬而轉脾神所屬事物則無不吉矣。或者從脾入心忽從心而及肺神之所屬是爲吉處藏凶餘可例推。占者當細參消息不可忽諸。

五神傳夢凶藏吉圖




以脾屬之夢。而反及腎屬。以腎屬之夢。而反及心屬。以心屬之夢。而反及肺屬。以肺屬之夢。而反及肝屬。固爲凶占。倘以肝屬之所夢。而轉夢脾屬之事物。則又凶矣。或者從脾達腎。忽而腎神所形。轉入肝夢所屬。是爲凶中藏吉。餘可例推。

平水校得



凡魂夢所形。必竅自泥丸宮。以爲五神出入之穴也。或肝或心。或脾或肺或腎。隨所屬之神。盛衰各異。而因想不同。故夢中所見紛紛不一。然必先發夢於肝。屬者爲吉。

五神變傳夢凶圖




或心屬之夢。變而傳肺屬。或肺屬之夢。變而傳肝屬。
或肝屬之夢。變而傳脾。或脾屬之夢。變而傳腎屬。爲
凶矣。然惟先發夢於肺屬者爲凶。

五神混傳迭化吉凶方圖




凡人寢臥，魂藏於肝。肝爲諸神之主，故夢中所形，千變萬化，錯綜混迭，不可思議。而一以肝神平寔爲主，故或生中尅，或尅中生，或生生而復尅，或尅尅而復生。要以始終肝屬者，則定夫生尅焉。甚有一夢所見，事事物物皆形於本臟之神所屬者，此又非得以生尅之道推之也。甚有兩神相生而反凶，兩神相尅而反吉者，宜以所夢事物機兆何如，以爲詳察，切勿拘一。甚有顛倒紊亂，幻恍莫倪者，此必精神散離，氣血虛實所致，又不可以五神傳見之常論爾。

五神混傳迭化吉凶圓圖




五臟之元。邪勝則實。精奪則虛。形諸夢魂。或相生爲正。爲吉。或相尅。爲逆。爲凶。從前來者爲實。子傳母也。從後來者爲虛。母干子也。彼尅我爲賊。我制彼爲微。驗之生尅。以定吉凶可也。

五神因夢配五行圖



右說見八卦圖後

五神乘夢配八卦圖



五神乘夢配八卦圖

五神乘夢配八卦圖

五

五神乘夢配八卦圖

〔肝〕屬木。旺於春。在卦爲震巽。實則夢志怒忿爭。虛則夢林木枯槁。平和則夢臺閣壯麗。〔心〕屬火。旺於夏。在卦爲離。實則夢大火燔灼。瘡疽疼痛。虛則夢煙銷燼滅。平和則夢麗日融和。燭光輝耀。〔肺〕屬金。旺於秋。在卦爲乾兌。實則夢戈矛閃爍。虛則夢照鑑無光。平和則夢金珠炫彩。〔腎〕屬水。旺於冬。在卦爲坎。實則夢洪濤洶湧。虛則夢水涸冰堅。平和則夢遊行水際。煙雨霏微。〔脾〕屬土。旺於四季月。及長夏。在卦爲坤艮。實則夢高陵大阜。虛則夢土圻山崩。平和則夢花堤柳陌。坦道平沙。占以太過不及爲凶。順適爲吉也。

肝屬之事

不盡類推

鬪毆

剗殺

爭訟

拷訊

杖責

怒氣

罵詈

叱吒

伏

坐立

負抱

調訪

迎送

殯殮

冠笄

種植

櫛髮

酗酒

擊毬

跳越

御車

雕塑

擔荷

織作

畋獵

決斷

謀慮

觀看

呼吸

動搖

顛掉

旋轉

飄揚

虛浮

行空

登高

涉險

執持

擒捉

擎舉

提挈

搬移

心屬之事

不盡類推

捕捉

火燒

跪屈

飛

盟誓

恐懼

宴會

嫁娶

考試

疾病

慶賀

喜

歡聚

吟誦

遷移

驚

仕宦

狂

繪画

陞擢

算數

炊爨

撫掌

洗滌

聲韻

音響

脾屬之事 不盡類

歌舞

匠作

笑

飲食

祭享

身重

葬埋

取予

交易

耕作

大便

縫補

祝

佛事

跳躍

醫治

陶冶

扶覘

牧養

肺屬之事 不盡類推

戰鬪

殺戮

呼召

言語

嚏咳

哭泣

生死

飛揚

奔馳

悲涕

大叫

冶鑄

借貸

呪咀

吹彈

憂思

分析

戲演

卜筮

鐫刻

搬運

聲啞

唾啐

弔奠

歌舞

腎屬之事

不盡類推

拜揖

行步

墜墮

盜發

溺水

涉水

分別

沐浴

洩便

妬孕

灑掃

盥洗

遊玩

寢臥

汗濕

磨礪

淘汰

臨釣

服役

染采

駕舟

肝屬之物 不盡類推

風

雷

橋

林木

小兒

書籍

紙筆

頭

眼目

肝膽

手

鬚髮

穀食

蔬菜

冠巾

帽

笄

布帛

絹絹

纈絮

衾

帷

樓閣

倉廩

亭臺

牕戶

棟梁

車

舟楫

弓矢

鹵簿

籩豆

桌

鼓

木魚

板

箎

犁

機梭

筐篚

梳櫛

規矩

網羅

衡

釣綸

牯

杏

李

梅

桃

蘆

蓬麻

榆

梓

杉

檜

檀

孔雀

鸞

鸞

鷓鴣

戴勝

麟

象

獬豸

狼

豸

蛟

魚

鼈

蠶

蝶

蛾子

蟲蛆

東方

青色

心屬之物 不盡類推

日月

星斗

雲霞

閃電

霹靂

煙霧

火光

帝王

神聖

舌

心

酒

肉食

冕旒

龍衮

黼黻

緋袍

鳳冠

塔

殿閣

竈

廐

寺觀

輪輻

磬

琴瑟

風車

繩索

珊瑚

琥珀

硃砂

牡丹

橘

葵

蓮

松

楓

棗

栗

鳳

鸛鵒

鵬

鵠

猴

雉

雞

馬

蛇

鼠

獅

虎

彪

熊

豕

龜

蜂蟻

螢

蜈蚣

南方

赤色

橋梁

洪濤

巨艦

虹霓

峻嶺

爆竹

烟火

檀麝

脾屬之物 不盡類推

星

地土

山

城塞

野

岸堰

路

田

苑囿

圃

墳墓

身

鼻

腹

脾胃

腸

臍

臀

糞

珮紳

帶

笏

宮闕

庫藏

礎石

坑廁

檣桅

墨

床榻

椅

石磬

甌缶

塤

鞍轡

玉

寶石

貝

瑪瑙石

萱

草蔬

黍

禾

稷

穀

麥菽

鳥

鵝

貉

獐

駝

蜣螂

蝠蠅

蝨

中央

黃色

肺屬之物 不盡類推

天

石

耳

骨

咽喉

肺

鐻
鐻

劍

廳堂

井

鈕

硯

戟
矛

斧

鎚

爵

銀盃

瓦卮

鐘
磬

笙
竽

簫
篴

鐻
銓

鋤

水車

釵
鈿

口

庭

斤鋸

鑼

鐃鈴

銀

銅

錫

鐵

錢

桂花

薇

菊花

竹

栢

槐

桑

瓜

鶴

鴻雁

鵲鴿

龍

牛

犬羊

蟹

鱖鱔

蛭

蝸牛

蛙

錐刀

匕首

和

權

黃金

鉛

梧桐

蟬

蘭

鸚鵡

西方

萍藻

騾驢

白色

腎屬之物 不盡類推

月

雲

虹霓

霜雪

露

冰雹

水

海

江河

女子

老人

夷人

背

乳

腎

陰

戶

膝

溺

血

茶湯

水果

靴

鞢舄

窖窖

雨襪

傘

雨

琉璃

水晶

霰

芭蕉

鸞

溝池

鴟梟

灘渤

齒

兕牛

犀牛

腎莖

兔

狐

足

蜃

螺

漿

龜

鼈

牢

蜘蛛

蚪斗

珠

楊柳

猩猩

鳬鷗

鸛鷹

獺

蛤蚌

芙蓉

貓

蚯蚓

烏

狗

北方


鴨

鼯

蠅

黑色

陽氣盛極發夢圖



陽氣盛極發夢圖


陽氣盛極發夢圖

...

...


凡人陽盛者乃氣旺也氣旺則損其血血損則虧其陰陰不能濟陽水不能制火孤陽絕陰燔天灼地南方丙丁之威于斯獨盛故夢中燒爍之象見焉在人養陰以退陽葆真以制欲其兆不求闢而自解矣

陰氣盛極發夢圖




凡人陰盛者。乃邪氣有餘也。陽火衰微。真元失守之
兆。火既微弱。則脾土無依。脾土無依。則狂瀾莫遏。風
搖蕩漾。浩渺汪洋。北方壬癸之勢。于斯獨盛。故夢中
汨沒之象見焉。在人保固元陽。攝精守氣。其兆不祛
而自退矣。

陽氣虛極轉夢圖




人之陽氣虛而夢寐反見煙雲早熯之內微有涓埃
若存若亡或聚或散此虛之極也乃陽中伏陰猶火
過極而爍金調劑之宜在人消息

圖夢轉極虛氣陰




人之陰氣虛而夢寐反見洪流泛濫之中復生煙燄
倏起倏滅似有似無此虛之極也乃陰中伏火猶冰
寒極而成冰攝養之方不思而得矣

二氣盛衰傳導圖




凡人陽盛陰衰。火多而水涸也。火多則氣旺。水涸則血虛。血虛則陽火愈熾。陽盛則陰血愈虧。二者不能兩立。故夢寐亦應之。惟見炎炎燎原。勺水難制。若能滋其真水。以抑陽光。則魂魄安而夢寐寧矣。

二氣虛實傳夢圖




凡大陰實陽虛元氣弱而陰邪盛也。經云：邪之所湊，其氣必虛。正氣衰微，陰邪易入。君子道消，小人道長。之謂故。夢中惟見陰凝魔魅，幽暗不明之事。若能養其心肺之元，保其脾胃之氣，則鬼厲之邪不舉而自伏矣。譬諸滿堂君子，雖有小人，其何地以容之哉。

二氣俱盛見夢圖



肝藏魂。肺藏魄。陽爲氣。陰爲血。人或恚怒傷肝。形寒傷肺。暴怒傷陰。暴喜傷陽。使陰陽俱盛。二氣太過。而無偏遜之情。故夢戰鬪不休。交睫之頃。紛紛亂亂。惟在調其陰陽。和其臟腑。抑其有餘。以協中道爲吉也。

二氣俱虛見夢圖



東坡志林

卷之四

三

夢占

凡夢中兩相畏縮。此氣血衰微。神形怯弱之兆。或老年精元疲敝。或少壯斲喪太多。不必占其吉凶。一以補助真元。滋培精髓。此得攝生關夢之旨也。